



UNIVERSITÄTS-  
BIBLIOTHEK  
PADERBORN

**Judicium Ecclesiasticum Seu Decretalium Gregorij IX.  
Pont. Max. Liber II.**

**Schmalzgrueber, Franz**

**Ingolstadii, 1726**

§. II. De Missione in Possessionem ex secundo Decreto.

---

[urn:nbn:de:hbz:466:1-74990](#)

re alteri; hoc enim officium custodis est.  
6. si quis fructus ex re, in cuius possesionem missus est, ipse consumpsit, computare in sortem debet; quia in ordine ad fructus non plus Juris in re illa habet, quam habeat Creditor pignoratitus, qui fructus pignoris debet computare in sortem. 7. Missus primò potior est alijs postea venientibus, qui nullam habent Hypothecam, & qui simili iussu Principis mittuntur, nec sunt ejusdem tituli; si enim essent ejusdem tituli, omnes concurrent eodem Jure. Ita habetur l. Fulcinius 7. princ. ff. quib. ex caus. l. in venditionem 8. §. si quis 1. & l. seq. §. quod ait 2. & duob. seqq. ff. & C. tot. tit. de bon. auth. judic. possid.

23 In actione reali missio ex primo Decreto duos præcipue effectus producit: quorum unus est, quod pendente lite tribuat Custodiā rei petitā, donec de dominio cognoscatur; alter, quod ita missus acquirat actionem ex delicto, ne vis fiat ei l. ait Pretor cit. §. hoc interdictum 1. Reliqui effectus primi Decreti, qui in actione personali conveniūt huic missioni, in actione reali vel omnino non competunt, vel non competunt principaliter ratione missionis. Sic enim 1. in actione reali non conceditur Pignus Prætorium; quia in ea actione Actor sibi dominium, & proprietatem vindicat; in res sua autem non potest quis obligationem habere l. neque pignus 45. ff. de R. J. nisi forte per accidens. 2. Etsi sic missus sit potior alijs, non tamen, quia missus est auctoritate Judicis, sed quia dominus rei est; res enim sua eo inscio non potuit obligari ab alio l. si sine voluntate 5. C. ad S. C. Velleian. 3. Etiam res possessa in actione reali in solutum non datur; quia quod meum est, amplius meum fieri non potest c. inter dilectos 6. de fid. instrum. 4. Denique etsi missus in possessionem actione reali vendere fructus possit,

non tamen hoc vi missionis per Judicem facta, sed titulo dominij potest.

Quæritur 11. an missio in possessionem per primum Decretum etiam fieri possit, quando ad sententiam definitivam perveniri lite non contestata potest? Videlicet, eo casu cessare debere hanc missionem. Ratio est, quia missio ista est remedium extraordinarium, quod cessare debet, si suppetat ordinarium.

Sed rectius distinguunt Laym. in c. un. b. tit. in 6. n. 4. dicens in causis Beneficiis, Matrimonialibus, & ijs, ubi mora periculosa est, omittendam missionem ex primo Decreto, & procedendum ad causā expeditionem, si reus contumax sit: In alijs autem causis, ut Decimarum Usurae &c. missionem adversus absentem faciendam efficit. Ratio est, quia quod ad missionem, vel aliam compulsionem prius procedi debeat, quam ad sententiam, causa non tantum est, quia sententia ferri non debet, lite non contestata, sed quia dedecet eam ferri adversus absentem ob periculum, ne jus possessionis turbetur. Igitur id, quod ad sententiam definitivam, lite non contestata, contra absentem aliquando procedi possit, non impedit, ut non etiam decerni missio in possessionem per primum Decretum possit.

Ad rationem oppositam responderetur, Regulam illam tunc solū habere locum, si ordinarium & extraordinarium remedium tendant ad eundem finem & effectum: missio autem, & sententia definitiva ad diversa tendunt, illa ad puniendam contumaciam, hæc ad cause merita cognoscenda: imo missio (sicut etiam Excommunicatio, & Carter) cum sit quedam poena, & compulsione, tanquam medium servire potest ad rectius ferendam sententiam, si deposita contumacia, se reus sistat, & juri pareat.

## II.

### De Missionē in Possessionem ex Secundo Decreto.

### S U M M A R I U M.

- 25. 26. 27. Effectus secundi Decreti.
- 28. 29. Requisita, ut missio ex illa decerni possit.
- 30. Modus decernendi.
- 31. 32. 33. Non est necessarium in actione reali, est in personali ad acquirendam veram possessionem.
- 34. Tempus intermedium regulariter est annus.

**P**ost missionem in possessionem ex primo Decreto, si reus ultra annum contumax esse perseveret, & obstinato animo in Judicio non compareat, augetur poena, & cognitā causā per-

- 35. Quomodo computetur?
- 36. 37. 38. Cause excusantes intra annum non compararenti.
- 39. Quid Juris, si missus ex primo, vel secundo Decreto propter potentiam, vel dolum rei non possit bona, in qua missus est, realiter apprehendere, & detinere?
- 40. Quid, si super aliqua re immobili conveniens dicat, se non esse dominum eius?

venitur ad Missionem ex secundo decreto: quod nihil aliud est, quam secunda interlocutio Judicis, quā Judex missum in possessionem ex primo Decreto verum possessionem constituit. R. P. Schmier Process. Judic. 6. 8. n. 61.

Qua-

**Quæritur 1.** quis sit effectus secundi Decreti? **R. I.** acquiritur vera possessio, & possessionis commoda: unde sic missus rei, in cuius possessionem missus est, fructus facit suos. **Abb.** in c. 1. b. tit. n. 9. **Oliva for. Eccl. p. 3. q. 36. n. 84.** **G 87.** Schamb. bic n. 7. Wief. n. 14. & colligitur ex l. Fulcinus 7. **S. fin. ff. quib. ex caus. in possess. eat.** Ratio est, quia fructus ad possessorem pertinent. **2.** Si ita missus habeat bonam fidem, rem ita possessam longo tempore præscribit. **Oliva n. 85.** Wief. l. cit. **3.** Si ejus rei possessione vi deiciatur, Interdicto Unde vi ante omnia restituitur. **Oliva n. 89.**

**4.** Post factam missionem ex secundo Decreto reus fit actor, & actor super hujusmodi re conventus, debiti probandi onere revelatus, indebiti probandi onus in Adversarium rejicit. **Oliva n. 90.** **5.** Quodsi creditor potius solvi quantitatem debitam, quam bona possidere malit, Prætor ipsa bona in publica subhastatione vendere jubebit l. Fulcinus cit. **S. Prætor 1.** ibi: *Eius bona possideri, vendique jubebo: vel si emptor non inveniatur, bona ipsi creditori jure dominij in solutum adjudicantur, dummodo debitum sufficenter liquidaverit, ut habetur l. vetustissimam 3. S. fin. autem 3. C. de jur. dom. impetrand. & colligitur ex toto Tit. ff. de dann. infect.* Quod intellige, si res illa debitoris fuit; nam si solum fuit possessor, & non dominus, actor ab eo tempore, quo missus in possessionem est per secundum Decretum, consequitur occasionem usucapiendi. **Durand. Specul. l. 2. p. 1. tit. de secund. Decret. S. 6. n. 1.** cum alijs.

**6.** Difficultas duplex est, una quomodo missus in possessionem per secundum Decretum possit præscribere? **Ratio difficultatis** est, quia nonnunquam, ut in casu damni infecti, quo quis in viciniolentis de damno futuro cavere, ædes ruinofas immittitur, scientiam rei alienæ, atque ad alium quoad proprietatem spectantis, habet; nonnunquam autem, sicut in casu, quo actio realis instituitur, saltem dubium est, an proprietas, & dominium spectet ad alium. Atqui tam scientia, quam dubium de re aliena impedire præscriptionem vindicatur per c. fin. de prescript. Ergo &c. Sed ut cum communii bene advertit R. P. Schmier Process. Judic. c. 3. n. 73. **G 74.** hæc scientia, & dubium præscriptionem non impedit; quia non omnis scientia, vel dubium rei alienæ malam fidem inducit, sed tantum illa, quæ conjunctam sibi vitiosam possessionem habet, qualis non est in casu præsenti, quando actor autoritate Judicis in possessionem mittitur.

**7.** Altera, an ita missus in possessionem rei petita acquirat verum dominium beneficio missionis? Affirmant aliqui cum Bullo D. de contumac. tb. 18. ob l. si finita 15.

**S. Julianus 16. ff. de dann. infect.** ubi dicitur, quod ita missus secundo Decreto à Prætore dominus constituantur. Sed dicendum, antiquum tempus pro re illa præscribenda requisitum transierit, Actorem secundo Decreto possessorem duntaxat constitui. Ita Ummius Process. Judic. D. 6. tb. 6. n. 31. Miller. ad Struv. Exercit. 44. tb. 40. lit. A. quos citat, & sequitur R. P. Schmier l. cit. n. 68. Videtur luculent colligi extitibus utriusque Juris: *Civilis quidem; quia hoc Jure passim receptum est immisionem in possessionem authoritate Prætoris decreta fuisse arg. l. si finita cit. princ. & §§. seqq.* Prætor autem non poterat facere dominum, sed possessorem tantum arg. **S. quos autem 2. In sit. de honor. possession.** Canonici autem; quia hoc Jure actor tantum possessor fieri declaratur, questione proprietatis reo reservata, ut habetur c. fin. **S. in alijs ut lit. non contest.** atqui si actor itatim fieret dominus, questio proprietatis non reservata, sed adempta reo foret; gratias enim rei proprietatem sibi arrogat, cuius dominium jam alteri constitutum est. Ergo &c. **Ad l. si finita cit.** dupl. responderi potest. **1.** Sic missum fieri dominum æquivalenter, & virtualiter, in ordine ad fructus, & commoda dominij; quia si verus possessor, qui, ut l. bona 48. princ. ff. de acquir. rer. domin. Paulus JCtus loquitur, quod ad fructus attinet, loco domini pene est. **2.** Dici potest fieri dominum non consummativè, sed inchoativè, quatenus ab eo tempore, quo in possessionem missus est, præscribere incipit juxta dicta n. 25. **G 26.**

**Quæritur 2.** quid requiratur ad hoc, **28** ut missio in possessionem legitimè decerni poslit? **R. I.** requiritur sufficiens potestas in Judice: potest autem missionem ex secundo Decreto decernere, qui potest illam decernere ex primo, prout colligitur ex l. jus 1. & l. jubere 4. junctâ Glos. V. eod. ff. de Jurisd. & notari Ummius Process. Judic. D. 6. n. 27. Gonza. in c. 3. ut lit. non contest. n. 29. Pirk. n. 19. bic. König n. 15. cum communi.

**2.** Præcedere debet nova accusatio contumacia, & petitio missionis per secundum Decretum: in qua ut Actor obtineat, necesse erit, ut pro intentione sua afferat plenam probationem formaliter vel æquivalenter, nempe quando deficientibus probationibus, actor paratus est deferre Juramentum; debet enim eo casu Judex hoc significare reo, qui si contumax esse pergit, merito pro confessio habebitur, & sic obtinebitur probatio æquivalens plene probationi. Pax Jordan. tit. 13. n. 202. cum communi.

**3.** Necessaria est nova citatio, & **29** nova contumacia rei citationi huic non parentis; nam si post istam compareat, & refusis expensis, de Judicio sibi idoneam cautionem præstet, impeditur immisso ex secundo Decreto, prout Oliva for. Eccl. p. 3. q. 26. **Ff 2**

n. 68. notat, & colligitur ex l. *Pretor* 1. §. potestatem i. & l. *Fulcinius* 7. §. latitare 8. §. seqq. ff. quib. ex caus. in poss. eat. ubi dicitur, quod rei absentis bona possideantur, & vendantur, si is fraudulenter, sive malitiosè latiter. Ex quo sequitur, si non ita latiter, licet absens non defendatur, in bona ejus Actorem mitti non posse ex secundo Decreto.

*Excipitur* causa damni infecti, si e. g. ex ædibus damnum timeatur; runc enim, et si dominus absens non fraudulenter, & malitiosè latiter, mittendus actor est in possessionem ex secundo Decreto, ita tamen, ut, si reus postea compareat, & ostendar se justa ex causa abfuisse, restituenda sit ei possessio.

4. Præmittenda est summaria causæ cognitio, per quam Judicii constet. 1. De primi Decreti executione, & lapsu ab eo integro anno. 2. De nova citatione facta in persona Rei, vel de latitatione ejusdem cum citatione ad domum. 3. De ipso debito: quod, ut n. præc. dictum est, actor per testes, instrumenta, vel alia argumenta probare debet plene, vel formaliter, si protest, vel æquivalenter, propter maius præjudicium, quod reo absenti hac immissio affert, cum per hanc vera rei possessio, & istius comoda à Reo in actorem transfrantur. Videatur Oliva l. cit. n. 68.

50. Ex quo sequitur, quis modus servandus sit in missione facienda per secundum Decretum; nam elapsò post primum Decretum anno, ubi necesse est interponi secundum Decretum ad acquirendam possessionem veram, actor accedit Judicem, & allegatā contumaciam Adversarij, perit sibi bona detenta adjudicari in solutum: quo facto Judex Adversarium iterum citat: si compareat, monebitur à Judice, ut ea, quæ de Jure exiguntur v.g. cautionem de Judicio fisti præstet; si se ad hoc offerat, auditur, & recuperat possessionem cum fructibus perceptis, modò expensas refundat Adversario juxta taxationem factam à Judice, cessabitque ita secundum Decretum. At si recusat parere juri, vel post trinam, aut unam peremptoriā citationē non compareat, postquam Judex de causa, & Jure actoris sufficienter cognoverit, decernet millionem ex secundo Decreto; tunc enim contumax pro præsente habetur. Colligitur ex c. fin. §. in alijs Ut lit. non contest. c. constitutis 1. b. tit. l. cùm proponas 9. §. Aut. §. qui jurat G. de bon. auth. Judic. possid. & docent Schneidev. in §. 1. Inst. de Interdict. n. 14. Haun. tom. 5. de J. §. J. tr. 3. n. 121. Pirk. hic n. 18. König ibid. n. 18.

Quæritur 3. an necessarium sit secundum Decretum, ut mitratur actor in possessionem veram rei, quam prius possidebat custodia causā per primum Decretum? Certum est in praxi solere interponi secundum Decretum, prout notat P. Wiest. hic n. 12. An etiam de Jure necessarium sit, controver-

sia moveri potest. Affirmant Wurmser, pract. for. l. 1. tit. 7. pag. 28. Gonzal. in c. 3. ut lit. non contest. n. 32. König bic n. 17. & novissime P. Schmier Process. Judic. c. 3. n. 62. Probari videtur ex Juris utriusque textibus: Civilis quidem l. si finita 15. §. Julianus 16. & §. si quis 20. ff. de damn. infect. ubi secundum Decretum indistinctè requiritur. Canonici autem §. in alijs cit. ibi: Dominum possessionis Judex tribus editis legitimis evocabit, & tunc ipso in eadem voluntate manente, negotium summum examinans, in possessionem ipsarum rerum actorem mittere non tardabit, omni allegatione absenti super principali questione reservata: quem textum de secundo tantum Decreto intelligunt Cuiaci in Rubric., & Gonz. l. cit. n. 12. Conf. ex c. constitutis 1. b. tit. ubi in Judicio possessorio cuiusdam Ecclesie secundum Decretum post annum interponitur eo fine, ut amodo, hoc est, à tempore Decreti, possessio transferatur.

Sed distinguendum est inter actiones personales, & reales; in personalibus indubitato requiritur secundum Decretum, in realibus non requiritur, sed lapsu tempore unius anni ab ea die, quā actor per primum Decretum missus est in possessionem rei custodiaz causā, si perseveret contumax non comparere, ex vi primi Decreti mittitur in possessionem veram. Habetur c. contingit 9. in fin. de dol. & contum. c. Pastoralis 1. fin. de Offic. Ordin. & §. in alijs cit. v. quod si cautionem, ubi dicitur, quod si reus cautionem offerre neglexerit intra annum, actor post annum verus constitutatur possessor, nulla mentione secundi Decreti facta. Consentunt Abb. in §. in alijs cit. n. 16. Host. in Summ. de dol. & contum. n. 13. Durand. Specul. l. 2. p. 1. tit. de secund. Decret. §. videndum 4. n. 20. Vivian. in c. 1. hic v. mijus, ubi ait ad cautelam secundum Decretum quandoque impetrari, sed non esse necesse, Oliva for. Eccl. p. 3. q. 26. n. 57. Haun. tom. 5. tr. 3. n. 124. Vallen. hic n. 2. Zcel. n. 2. Engl. n. 2. Schamb. n. 5. Wiest. n. 11. Reiffenstuel. n. 31. Ratio est, quia qui agit actione rei vindicativa, vel alia reali, dicit se dominum rei esse, vel saltem jus in re illa habere, idque propter contumaciam Rei præsumitur verum esse: is autem, qui agit actione personali, tantum allegat debitum, nullum autem prætendit jus circa possessionem rei. Igitur ut actor, agens actione personali, acquirat veram possessionem rei alienæ, requiritur aliud quoddam Decretum, quo hæc possessio ei adjudicetur, non autem opus est alio Decreto apud eum, qui agit actione reali; nam per primum Decretum actor ita factus est possessor, ut casu, quo reus per annum maneat in contumacia, evadat incommutabiliter possessor rei perpetua, habeatque non solum naturalem, sed etiam civilem possessionem cum jure lucrandi

randi fructus: quod in eo, qui agit actione personali, non fit.

Arque hinc fit 1. quod actor agens aetione reali, si obtenta possessione illius rei, cuius dominium praeundebat contra contumacem, forte sibi metuat fore, ut, si quis in futurum sibi de proprietate item moveat, a Judice possit petere, ut certum terminum statuat, intra quem contumax reus, vel qui cunque alius, qui putat dominium sibi competere, item intentet, quo termino elapsio non amplius sit audiendus l. fin. C. de Jur. dom. impetrant. Fit 2. quod si post annum a primo Decreto lapsum Adversarius resistat actori, & impedit velit, ne possessionem capiat, saltem cum assistentia Judicis actor possit de possessione sua dejicere Adversarium; quia jam non Adversarius, sed actor est verus possessio rei. Fit 3. quod super possessionis causa non amplius audiatur reus, sed tantum super causa proprietatis; nam de hac eidem reservatur quaestio, ut adeo ex reo actor fiat, & evadat conditionis deterioris.

Neque contrarium efficaciter probatur ex allegatis pro sententia adversa textibus; nam in §. Julianus sermo tantum est de actione personali; in §. in alijs autem de primo Decreto, sed quod in casu ibi relato vim habet transferendi veram possessionem.

Quæritur 4. intra quod tempus decernenda sit missio in possessionem per secundum Decretum? regulariter expeditus est annus inter unum, & alterum Decretum. Ita Hofst. tit. de dol. §. contum. n. 14. Abb. in §. in alijs cit. n. 41. Marrant. p. 6. tit. de contumac. n. 12. Oliva p. 3. q. 26. n. 81. & patet ex textibus utriusque juris: Civilis quidem l. quis 8. §. sed §. 3. C. de prescript. 30. vel 40. annorum, in qua annalis spatij mentionem Imperator facit, ibi: Licebit ei - - intra annum se offerenti, cautionemque suscipiendo litis danti eandem rem recipere. Canonici autem c. pastoralis 11. §. præterea de Offic. Ordin. c. fin. §. in alijs lit. non contest. c. contingit 9. de dol. §. contum. c. constitutis 1. & c. seq. b. tit. quibus textibus decernitur veram possessionem in actorem post annum transferri.

Dixi autem regulariter; nam aliquando, si causa iusta id postulaverit, citius interponi potest, ut cum cit. docet Menoch. de arbitr. cas. 6. n. ult. Pax Jordan. tit. 13. n. 203. Zœf. bic n. 2. Pirh. n. 18. & ratio est, quia regulariter non tenetur Judex tempus a Jure statutum ad momentum observare, sed potest id pro causa qualitate, & quantitate, personarum obedientia, vel contumacia nonnunquam arctare, nonnunquam prorogare arg. l. qui pro tribunal. 2. ff. dere judic.

Dubitatur, à quo tempore computetur annus pro secundo Decreto definitus? si inter diem primi Decreti, & secundus

missionis intermediet tempus aliquod excusa Rei, annum computari à die primi Decreti; secus, si reus in culpa non sit. Abb. l. cit. n. 47. Reiffenstuel bic à n. 20. P. Schmier c. 3. cit. n. 78. §. duob. seqq. Pars prima responsionis eruitur ex c. contingit cit. ubi declaratur, casu, quo propter Rei potentiam, si ve dolum actor intra annum rem custodiendam nancisci non potest, vel acquisitam amittit, aetorem verum constitui elapsò anno posseforenz numerabitur itaque juxta hunc textum annus eo casu à die Missionis decreta: & adiudicatur ibidem ratio, ne reus de malitia sua reportet commodum. Pars secunda sumitur ex §. in alijs cit. ubi currere supponitur annus à tempore, quo actor missus est in possessionem rei petitæ, conf. à die executionis primi Decreti: & merito; nam constitutio hujus cap. penal is est, ut verba indicant ibi Tedio affectus veniat responsurus. Igitur locum non habet, ubi culpa non intercedit, sed excusabitur reus eo casu objectu legitimi impedimenti.

Quæritur 5. quæ causæ excusat? reum, si intra annum non comparuit, nec cautionem praestit? R. 1. excusat reus, si prohibitus fuit interveniente legitimo impedimento. Ubi duo notanda sunt: primum est, ut impedimentum tale sit, quod non potuerit amoveri commodè; nam si amoveri, vel differri potuit, ut nuptiæ, vel alterius negotij tractatio, nomen impedimentum non meretur. Alterum, ut impedimentum hoc probetur per testes minimum duos, vel per documenta idonea, e. g. morbus per litteras Medici, aut saltem per Juramentum Rei, si alia probationes haberi nequeunt, & Judici, consideratis circumstantijs, & qualitate persone, sic visum fuerit. Haun. tom. 5. n. 3. n. 122.

2. Excusat reus, si per ipsum non stetit, ut cautionem praestaret, ut si missio nem in possessionem passus obtulit cautionem Judicibus, & hi illam non recipiant; tunc enim non currit ei annus, sed etiam post annum cautionem recipi, & possessio ipsi restituvi debet. Ita statuitur c. cum sicut 2. & c. seq. b. tit. & docet Gloss. in c. 1. b. tit. V. parati, Vivian, ibid. in ration. ¶ licet, Laym. cod. c. n. 1. Barbos. in c. 2. cit. n. 1. Pax Jordan. n. 22. Zœf. n. 1. Pirh. n. 2. §. 3. Ratio est, quia si per me non stetit, quod minus faciam, quod debeo, non est mihi imputandum Reg. 41. in 6. & quando non stat per eum, ad quem pertinet, quod minus conditio impleatur, perinde haberi debet, acsi impleta fuisset l. Jure Civili 24. ff. de condit. §. demonstr.

3. Excusat reus, si ipse appellat contra processum Judicis, & appellatio sit rationabilis; tunc enim possessio, praestita cautione, restituti debet: & idem est in quo cunque alio casu, in quo constat reum conventum contumacem non fuisse, prout recte advertit Gloss. in c. cum venissent 3. b. tit. V. cod.

*cod. Vivian. ibid. in ration.* Barbos. in c. 2. cit. n.  
1. Pirk. hic n. 8. & ratio est, quia missio in possessionem ex primo Decreto fit in odium contumacis. Igitur ubi contumacia non est, poena haec tolli debet; nam ubi culpa non est, etiam poena locum non habet. *Excipitur*, nisi liquidato credito per sententiam definitivam immisus fuisset; nam hoc casu debitor, et si sine contumacia absens fuerit, ad recuperationem bonorum non admittitur, nisi prius solverit integrum debitum liquidatum, ut recte notat Pax Jordan. n. 206. & apud hunc Bartol. Alex. Peregrin. & alij plurimi.

39 Quæritur 6. quid Juris, si actor, ex primo, & secundo Decreto in rei petita, vel aliorum Adversarij bonorum possessionem missus, ob hujus potentiam, vel dolum, ea realiter nequeat apprehendere, detinere, & possidere? *ibid.* eo casu illum fictione utriusque Juris perinde haberi, acsi rem, vel bona, in qua missus est, realiter detineret: ac proinde, elapsso anno ab interpolatione primi decreti, vel per secundum Decretum, vel si actio sit realis, sine illo sit verus possessio; & si etiam tunc obstat Adversarius, & ab actuali apprehensione Actorem arceat, etiam sine hac incipit rem illam praescribere, aliisque commoda possessionis consequitur, prout patet ex c. contingit 9. de dolo, & contum. & l. quamvis 13. junct. a Gloss. *ibid.* V. perinde ff. de reb. auth. *Judic.* possid. quod statuendi causa justissima fuit, ne reus ex malitia sua commodum referat, & prodeesse videatur inobedientia iustum imperium, & authoritatem contemnit, obesse contra obedientia eadem reverenter observantis.

Quæritur 7. quid Juris, si super aliqua re actione personali conventus dicat, se dominum illius non esse, quod eam non suo, sed alieno nomine possideat? *ibid.* eo casu multum interesset, an conventus jus in illa re aliquod habeat, an vero sit praeceps detentor rei. Si hoc secundum, nominare dominum, aut verum ejus possessorem debet, & statuetur e terminus, intra quem faciet dominum comparare: qui si intra tempus datum non comparuerit, *Judex* illum citabit: quo adhuc non veniente, *Judex* mittere actorem in possessionem veram, praemissa tamen summaria cognitione negotij, & Juramento calumniæ ab actore praestito §. in alijs cit. & l. quis 2. C. ubi in rem a dio. *Si primum*, videndum, an ita conventus conveniatur super ipsa re, an super jure, quod ipse in illa habet, v. g. quia est Usufructuarius, Emphyteuta, Vafallus. *Si super re ipsa*, iterum nominabit dominum, vel si nominare illum noluerit, itaque suo nomine contestatur item, pro eo habebitur, acsili se obtulisset, sententia autem contra eum lata ipsi tantum, non etiam domino, aut vero possessori nocebit per Rubr. §. text. C. res inter alios acta. *Si super jure*, quod habet in illa re, domino non nominato, suo nomine respondere ipse tenebitur, & si contumaciter renuat, missione patientur; quia per hoc domino proprietatis non praejudicatur, & obtinetur finis immisionis, ut reus eam fatigatus recedat à contumacia. Videatur Abb. in §. in alijs cit. n. 23. Vivian. *ibid.* in ration. Barbos. n. 24. Haun. tr. 3. n. 115. Wiest. hic n. 18. §. 19.

## TITULUS XVI.

*Ut lite pendente nihil innovetur.*

## SUMMARIUM.

1. Litis pendentia inducitur Citatione.
2. Etiam in Actionibus personalibus.
3. 4. 5. Requisita, ut eam inducat Citatio.
6. Effectus Litis pendentie.
7. Facit, ut res litigiosa alienari nequeat.
8. Res litigiosa quid?
9. Exceptiones.
10. Poena alienantium.

11. Lite pendente non potest immutari possessio.
12. 13. Nec separari coniux à conjugio.
14. 15. 16. Aut insitui nova electio.
17. 18. Vel impetrari rescriptum, aut privilegium in praedictum colligitur.
19. 20. 21. 22. Modi, quibus Litis pendentia tolluntur.

**D**icitum est *Tit. prec.* posse ob contumaciam Rei absentis actorem mitti in possessionem bonorum illius, de quibus ille huic item movet. Ne hoc in exemplum quis trahat, & existimet, regulariter pendentite lite aliquid innovari posse, statuit præsente Titulo, ne lite pendente aliquid innovetur.

Quæritur 1. quomodo inducatur Litis pendentia? *ibid.* distinguendo inter Ius antiquius, & recentius. Antiquiori Jure tum Canonico, tum Civili Lis pendere censebatur à litis contestatione, prout satis clarè colligitur ex c. parte 30. fin. de V.S. & l. amplius 15. ff. rem ratam haberi l. litigiosam 1. ff. de litigios. & notat Perez in C. eod. n. 2. cum alijs. At Jure recentiori Clem. s. b.